

# Lefoko La Modimo Le Tlile Go Moporofeti William Marrion Branham

## **“Jesu Keresete Ke Modimo”**

*Jaanong seo ke tshenolo: Jesu Keresete ke Modimo.* Jehova wa Testamente ya Bogologolo ke Jesu wa e Ntšha. Go sa ye kafa o le kang ka thata ke teng, o ka seka wa supa gore go na le Bo-Modimo ba BARARO. Mme le gape go tsaya tshenolo ka Moya o o Boitshepo go go dira gore o tlhologanye boammaruri ba gore O Mongwe. Go tsaya tshenolo go bona gore Jehova wa Testamente ya Bogologolo ke Jesu wa e Ntšha. Satane o khukhunetse mo phuthegong mme o fofaditse batho mo boammaruring bo. Mme ge ba sena go fofadiwa mo go bona, ga go a nna sebaka go fitlhela Phuthego ya Roma e emisa go kolobetsa ka Leina la Morena Jesu Keresete.

Ke a dumela gore go tsaya tshenolo tota go tswa go Moya o o Boitshepo go bona boammaruri kaga Bomodimo mo malatsing a ge re le mo bogareng ba go fetolelwa go go kalo ga Lekwalo. Mme phuthego e e fenyang e kgonang e agilwe godimo ga tshenolo go ntse jalo re ka solofela Modimo go senola boammaruri ba Gagwe mo go rona. Le ga go ntse jalo, tota ga o tlhoke tshenolo ka kolobetso ya metsi. E gona foo e go rotoletse matlho mo sefathlegong. A go ne go ka kgonega ka motsotso o le mongwe go bapostolo go faposiwa go tswa mo taelong e e lolameng ya Morena go kolobetsa ka Leina la Rara le la Morwa le Moya o o Boitshepo mme ke gona ba fitlhelwe mo go tlhokeng go utlwa ka bomo? Ba ne ba itse se Leina e leng sona, mme ga go na felo go le gongwe mo Lekwalong moo ba kolobeditseng ka tsela nngwe epe fa e se mo Leineng la Morena Jesu Keresete. Tlhologanyo fela e ne e tlile go go bolella gore Buka ya Ditiro ke phuthego mo tirong, mme ge ba ne ba kolobetsa ka tsela eo, ke gona ke yona tsela ya go kolobetsa. Jaanong ge o gopola seo se le thata, o gopola eng ka se? Mongwe le mongwe yo o neng a sa kolobediwa ka Leina la Morena Jesu o ile a tshwanelwa ke go kolobediwa gape.

Ditiro 19:1-6, "Jaanong erile Apolo a le kwa Korinthe, Paulo a fitlha kwa Efeso, a sena go ralala dinaga tse di kwa godimo, a fitlhela barutwa ba bangwe. A ba botsa a re: A erile fa lo sena go dumela, lwa amogela Moya o o Boitshepo? Ba mo araba ba re: Nyaa, le eseng go utlwa gore go na le Moya o o Boitshepo. A botsa gape a re: Lo kolobeditsewe ka kolobetso efe? Ba re: Ka kolobetso ya ga Johane. Mme Paulo a re: Johane o kolobeditse ka kolobetso ya tshokologo, a bolella batho gore ba dumele mo go Ene yo o tlang morago ga gagwe, ebong Jesu Keresete. Yare ba sena go utlwa jalo, ba kolobediwa mo leineng la Morena Jesu. Mme yare Paulo a ba baya diatla, Moya o o Boitshepo wa tla mo go bona, mme ba bua ka diteeme, ba be ba porofeta." Ke eo gee. Batho bana ba ba siameng kwa Efeso ba ne ba utlwile kaga Messiah o o tlang. Johane o ne a mo rerile. Ba ne ba kolobeditsewe mo tshokologong ya dibe, ba SOLOFETSA mo go dumeleng mo go Jesu. Mme jaanong e ne e le nako ya go leba MORAGO mo go Jesu mme ba kolobediwe mo BOITSHWARELONG ba dibe. E ne e le nako ya go amogela Moya o o Boitshepo. Mme ge ba sena go kolobediwa ka Leina la Morena Jesu Keresete, Paulo o beile diatla mo go bona mme Moya o o Boitshepo wa tla mo go bona.

Au, batho bao ba ba rategang kwa Efeso e ne e le batho ba ba siameng, mme ge mongwe le mongwe a ne a na le tshwanelo ya go ikutlwa a sireletsegile, ba ne ba le jalo. Lemoga kafa ba tswileng kgakala ka teng. Ba tlile ka tsela yotlhe go amogela Messiah yo o tlang. Ba ne ba mo ipaakanyeditse. Mme a ga o bone seo ka bopelo-e-thata ga ba Mmona? O tlile a ba a tsamaya. Ba ne ba batlile go kolobediwa ka Leina la Morena Jesu Keresete. Ba ne ba batlile go tladiwa ka Moya o o Boitshepo.

Ge o setse o kolobeditsewe ka Leina la Morena Jesu Keresete, Modimo o tlaa go tlatsa ka Moya wa Gagwe. Seo ke Lefoko. Ditiro 19:6 le re le buisitseng e ne e le tlaleletso ya Ditiro 2:38, "Sokologang, mme mongwe le mongwe wa lona a kolobediwe ka Leina la ga Jesu Keresete, go bona boitshwarelo jwa dibe tsa lona, mme lo tlaa amogela neo ya Moya o o Boitshepo." Bona, Paulo, ka Moya o o Boitshepo, o buile fela seo Petero a se buileng ka Moya o o Boitshepo. Mme se se builweng GA SENA go fetolwa. Se tshwanetse go tswana go tswa Pentekosete go fitlha ene wa bofelello yo a tshaotsweng a

be a kolobediwe. Bagalata 1:8, "Mme le fa rona gongwe moengele yo o tswang kwa legodimong, a ka lo rerela Efangele e sele e e ganetsanyang le e re e le reretseng, a a hutsege."

Jaanong bangwe ba lona batho ba Oneness ga le kolobetse ka tshwanelo. Le kolobetsa go tsalwa sesha jaaka ekete go thobunyediwa mo metsing go le bolokile. Tsalosesha ga e tle ka metsi; ke tiro ya Moya. Monna o ka Moya o o Boitshepo a fileng taolo, "Sokologang mme mongwe le mongwe wa lona a kolobediwe ka Leina la Morena Jesu," ga a re metsi a tsalosesha. O rile e ne e le bosupi fela ba "segakolodi se se siameng go Modimo." Go feletse moo. 1 Petero 3:21, "Ke ona a le lona a lo pholosang kajeno kolobetsong e le setshwantsho sa yona, (e se go tlosa leswe la mmele, mme e le go kopa segakolodi se se siameng mo Modimong,) ka tsogo ya ga Jesu Keresete." Ke se ke se dumelang.

Ge mongwe a na le mogopolo o o ferekaneng gore dingwao di ka supa kolobetso ya metsi ka tsela e nngwe gape e seng mo Leineng la Morena Jesu Keresete, Ke tliile go go gakolla go buisa dingwao mme o ipatlele ka bogaago. Se se latelang ke lekwalo la boammaruri la Kolobetso e e diragetseng mo Roma dingwaga di le 100 morago ga botsalo ba ga Jesu Keresete, mme e ntshitswe gape mo go TIME magazine Sedimothule 5, 1955. "Modiakone o emisitse seatla sa gagwe, mme Publius Decius a tsena ka monyako wa phaposi ya kolobetso. Yo o neng a eme boteng ba letheke mo metsing a mogobe-e ne e le Marcus Vasca morekisi wa dikgong. O ne a tshega-tshega jaaka Publuis a tsenella mo mogobeng fa thoko ga gagwe. 'Credis?' a botsa. 'Credo,' Publuis a araba. 'Ke a dumela gore poloko ya me e tswa mo go Jesu Keresete, Yo o bapotsweng mo go Pontius Pilato. Ke sule le Ene gore Ke tle Ke nne le Bophelo bo Bosakhutleng le Ene.' Ke gona a utlwa mabogo a a thata a mo tshegeditse jaaka a iteseletsa go wela kwa morago mo mogobeng, mme o utlwile lentswe la Marcus mo tsebeng ya gagwe — 'Ke go kolobetsa ka Leina la Morena Jesu,' — jaaka metsi a a maruru a mo khurumetsa."

Go ya go fitlha gore boammaruri bo timele (mme ga bo ise bo boe go be fitlhe motlha ona wa bofelo — sena ke go tswa Nicaea go fitlhela tshokologo ena ya ngwaga wa bo-lekgolo) ba kolobeditse ka Leina la Morena Jesu Keresete. Mme e setse e boile. Satane ga a kgone go gatella tshenolo ge Moya o batla go neela ka yona.

Ee, ge go ne go na le Bo-Modimo ba bararo, o ka nna sentle fela wa kolobetsa ka Rara, le Morwa, le Moya o o Boitshepo. Mme TSHENOLO E E NEILWENG JOHANE e ne e le gore go na le MODIMO A LE MONGWE mme Leina La Gagwe ke MORENA JESU KERESETE, mme o kolobetsa ka Modimo A LE MONGWE mme a le mongwe fela. Ke ka moo Petoro a kolobeditseng ka tsela e a dirileng ka yona kwa Pentekoste. O ne a tshwanetse go nna boammaruri go tshenolo e e neng e le teng, "A ntlo yotlhe ya Israele e itse ka tlhomamiso gore Modimo o dirile ene JESU YOO, Yo le mmapotseng MMOGO MORENA LE KERESETE." Ke Ene oo, "MORENA JESU KERESETE."

Ge Jesu e le "MMOGO" Morena le Keresete, ke gona Ene (Jesu) ke, mme a ka seka nna ope ge e se "Rara, Morwa, le Moya o o Boitshepo" mo go motho A LE MONGWE a bonaditswe mo nameng. Ga SE "Modimo mo bathong ba bararo, boraro bo bo tshegofetseng," ga e se MODIMO A LE MONGWE, MOTHO A LE MONGWE ka ditlhogo di le tharo, ka diofisi di le tharo tse di bonatsang ditlhogo tseo. Reetsa se gangwe le gape. Ene Jesu yoo "MMOGO ke Morena le Keresete." Morena (Rara) le Keresete (Moya oo Boitshepo) ke Jesu, gonne Ene (Jesu) ke BOBEDI ba bona (Morena le Keresete).

Ge seo se sa re bontshe tshenolo ya boammaruri ya Bomodimo, ga go sepe se sengwe. Morena ga SE yo mongwe; Keresete ga SE yo mongwe. Jesu yoo ke Morena Jesu Keresete — MODIMO A LE MONGWE.

Filipo o rile ka letsatsi lengwe mo go Jesu, "Morena, re supetse Rara foo go tlaa be go re lekane." Jesu a mo raya a re, "Ga ke bolo go nna le lona, mme a ga o ise o nkitse, Filipino? Yo o mponyeng o bonye Rara. O bua jang fa o re re: Re supetse Rara? Nna le Rara re Mongwe." Ke buile gape ka se gangwe mme mohumagadi o rile, "Ka motsotso fela, Morena Branham, wena le mosadi wa gago le mongwe." Ke rile, "E seng ka tsela eo."

O rile, "Ga ke utlwe sentle?"

Go ntse jalo ka re mo go ene, "A wa mpona?"

O rile, "Ee."

Ke rile, "A o bona mosadi wa me?"

O rile, "Nyaa."

Ka re, "Ke gona bongwe boo ke ba mofuta o mongwe, gonne  
O rile, Ge o Mpona, o bona Rara."

Moporofeti o buile gore go tllile go nna le lesedi ka nako ya  
maitsibowa. Mo sefelong go kwadilwe:

"Go tlaa nna Lesedi ka nako ya maitsibowa,  
Tsela ya kgalalelo o tlaa e bona e le ruri,  
Mo tseleng ya metsi, ke Lesedi gompieno,  
Le bolokilwe ka Leina le le rategang la Jesu.  
Basha le bagolo, sokologang mo sebeng  
sotlhe sa lona.

Moya o o Boitshepo ruri o tlaa tsena ka mo  
teng ga lona.

Lesedi la maitsibowa le tllile,  
Ke boammaruri ba gore Modimo le Keresete  
ba mongwe."

Go se kgakgala thata Ke ne ke bua le Rabbi wa Mojuta. A re  
mo go nna, "Lona Badichaba le ka seka la sega Modimo dikarolo  
tse tharo mme la mo neela Mojuta. Re itse bokaone go feta go  
seo."

Ka re mo go ene, "Ke sona fela seo, Rabbi, ga re sege  
Modimo ka dikarolo di le tharo. A o dumela boporofeta, a ga go a  
nna jalo?"

A re, "Tota Ke se ke se dirang."

"A o dumela Jesaya 9:6?"

"Ee."

"Moporofeta o ne a bua ka mang?"

"Messiah."

Ka re, "Botsalano ba Messiah go Modimo e tlaa nna eng?"

A re, "E tlaa nna Modimo."

Ke rile, "Go ntse jalo." Amen.

O ka seka wa baya Modimo ka batho ba bararo kgotsa  
dikarolo tse tharo. O ka seka wa bolella Mojuta gore go na le

Rara, le Morwa, le Moya o o Boitshepo. O tlaa go bolella ka bonako gore mogopolo oo o tswile kae. Bajuta ba a itse gore tumelo e e ne ya tlhomamisiwa kwa Lekgotleng la Nicene. Ke ka moo ba re nyatsang jaaka baheitene.

Re bua ka Modimo o o sa fetogeng. Bajuta ba dumela seo le bona. Mme phuthego e fetotse Modimo wa yona yo o sa fetogeng go tswa go BONGWE go ya go BORARO. Mme lesedi le boa maitsoana. *Kafa se se gakgamatsang ka teng ke gore boammaruri bona bo tlile ka nako ya ge Bajuta ba boela kwa Palesetina.* Modimo le Keresete BA MONGWE. Jesu yoo BOBEDI KE MORENA LE KERESETE.

Johane o ne a na le tshenolo, mme JESU e ne e le Tshenolo, mme Ene o itsetse ka Bogaagwe gona fano mo Lekwalong —“Ke Ene O Neng A Leng Teng, Yo o leng Teng mme O Tlaa Tla, Mothathayotlhe. Amen.”

Ge tshenolo e go fetile, leba godimo mme o batle Modimo ka yona. Ke yona tsela fela e wena o ka e bonang fela ka yona. Tshenolo e tshwanetse go tswa go Modimo. Ga e nke e tla ka motho, dikhumo tsa tlhago, ga e se ka se se neelwang ke Moya. O ka nna fela wa gakologelwa Lekwalo, mme le ge ekele seo se a itumedisa, seo ga se kitla se se dina. E tshwanetse go nna tshenolo e e tswang go Modimo. Go buiwa mo Lefokong gore ga go motho yo a ka reng Jesu ke Keresete kwantle ga Moya o o Boitshepo. O tshwanetse go amogela Moya o o Boitshepo mme ke gona, mme ke gona fela, Moya o ka go neelang tshenolo gore Jesu ke Keresete: Modimo, Ene yo o Tloditsweng.

(Go tswa mo *Ponatshegong Ya Metlha Ya Diphuthego Tse Di Supang.*)

Voice Of God Recordings, *South Africa Office*

P.O. Box 178, Somerset West, 7129 Cape Province, Republic Of South Africa

## Kitsisô ka tetlokhopi

Ditshiamelo tsotlhe di sireleditswe. Buka e e ka gatsiwa fa motšhineng wa go gatsa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwe go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwa go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

**VOICE OF GOD RECORDINGS**

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)